

Rapport dalla sessiun dil cussegl da vischnaunca dils 12-11-2018

Tractanda 1

Approbaziun dil protocol dalla sessiun dils 10-09-2018

Il protocol dalla sessiun dils 10 da settember 2018 vegn approbaus en votaziun unanima cun engraziament.

Tractanda 2

Informaziun davart il campadi Ogna

Il president dil cussegl d'administraziun Campadi Trun SA, Hansueli Baier, informescha il cussegl da vischnaunca davart il menaschi dil campadi. Ils commembers dil cussegl fan diever dalla pusseivladad da tschentar damondas.

Tractanda 3

Eleczziuns dil biro dil cussegl

Per igl onn d'uffeci 2019 vegnan las suandontas persunas elegidas:

- a) Presidenta dil cussegl:
Rita Wolf
- b) Vicepresident dil cussegl:
Wendelin Decurtins
- c) 2 dumbravuschs
Claudio Thalmann
Flurina Bundi
- d) 2 suppleants da dumbravuschs:
Baseli Tomaschett
Claudio Scolieri
- e) Actuara:
Sandra Gautschi

Tractanda 4

Preventiv 2019

President communal Dumeni Tomaschett declara ch'il preventiv dil quen da gudogn e sperdita 2019 siari cun in deficit da frs. 164'820.- suenter haver fatg tier la facultad administrativa amortisaziuns ordinarias en l'altezia da frs. 175'220.-, remess en finanziaziuns specialas frs. 110'350.- e retratg ord finanziaziuns specialas frs. 5'000.-. Il mudest gudogn avon amortisaziuns munta à frs. 115'750.-.

La canzlista communal presenta il preventiv dil quen da gudogn e sperdita en detagl.

Las impurtontas posiziuns el preventiv d'investiziuns secumponan ord:

1500.5060.00	Vehichels pil corp da pumpiers	frs.	115'000.00
--------------	--------------------------------	------	------------

6150.5010.00	Sanaziun dalla via Campliun	frs.	560'000.00
6190.5060.00	Maschinas communalas	frs.	230'000.00
7201.5032.00	Sanaziun canalisaziun communalas	frs.	220'000.00
8205.5010.00	Via Munt	frs.	1'200'000.00

Il cussegl decide cun 14 : 0 vuschs da proponer per mauns dalla radunonza da vischnaunca d'approbar:

- **il preventiv dil quen da gudogn e sperdita che siara cun expensas da frs. 7'192'620.- ed entradas da frs. 7'027'800.-, pia cun in deficit da frs. 164'820.-.**
- **il preventiv dil quen d'investiziuns che siara tier expensas da frs. 2'655'000.- ed entradas da frs. 1'231'000.- cun in surpli d'expensas da frs. 1'424'000.-.**

Tractanda 5 Fixaziun dil pei da taglia per igl onn 2019

La suprastonza communalas e la cumissiun da gestiun han examinau ils fatgs ed ein digl avis da restar per igl onn 2019 sin in pei da taglia da 105%.

Il cussegl propona cun 14 : 0 vuschs per mauns dalla radunonza da vischnaunca da fixar la taglia communalas per igl onn 2019 sin 105% dalla taglia cantunala semplas.

Tractanda 6 Vendita dalla parcella 6149 a Tujals

Igl october digl onn passau ei in convischin s'annunziaus tier il president communal cul giavisch da baghegiar ina casa d'ina famiglia a Schlans/Tujals. La parcella 6149 sesanfla il pli sisum il quartier Tujals. Ella cumpeglia totalmein 617m² en zona da habitar (H). Avon che decider da suttametter questa fatschenta al cussegl da vischnaunca ha la suprastonza communalas pretendiu in preproject. Il preproject ei vegnius examinaus entras l'instanza da baghegiar. Ins ei dil meini ch'igl object planisau adempleschi las pretensiuns d'ina buna formaziun.

Las cundiziuns per la vendita ein fixadas el reglament davart la vendita da parcelas dalla fracziun da Schlans el quartier Tujals.

Cun 14 : 0 vuschs autorisescha il cussegl da vischnaunca la suprastonza communalas da vender la parcella 6149 sin fundament digl artechel 41 alinea g dalla costituziun communalas.

Tractanda 7 Vendita dalla parcella 6302 a Tujals

Medemamein duront igl onn 2017 ei in anteriur hosp da vacanzas s'interessau per la parcella 6302 a Tujals. El ha priu dimora en vischnaunca da Trun e vul ussa baghegiar ina casa d'ina famiglia a Tujals. La parcella 6302 cumpeglia totalmein 411m² en zona da habitar (H). Era per quest project ha la suprastonza communalas retschert in preproject. La cumissiun da baghegiar e la suprastonza communalas ein dil meini ch'ei setracta d'in bien project.

Las cundiziuns per la vendita ein fixadas el reglament davart la vendita da parcelas dalla fracziun da Schlans el quartier Tujals.

Cun 14 : 0 vuschs autorisescha il cussegl da vischnaunca la suprastonza communalas da vender la parcella 6302 sin fundament digl artechel 41 alinea g dalla costituziun communalas.

Tractanda 8

Pusseivladad da tschentar damondas

Dalla pusseivladad da tschentar damondas vegn fatg diever.

Per il cussegl da vischnaunca

Il president
Beat Pfister

L'actuara
Sandra Gautschi